

Mibeko na maye matali kozanga kelasi, bopemi pe konje na tango ya kozala na programme ya introduction

Kozanga kelasi na tango ya programme ya introduction elandemaka na mibeko ya ndenge moko na kozanga na mosala epayi ya batu bazalaka na musala. Bokeseni na biloko mibale wana ezali ete yo okoki kosengama te mukanda ya munganga soki obeli mikolo mike. Na oyo etali bopemi, programme ya introduction ezali na mibeko na yango oyo ekeseni mwa ndambu na mibeko ya misala misusu oyo toyebi.

Soki obeli, esengeli, na bombangu, o yebisa batu ya komine, pe molakisi na yo na kelasi to na bakonzi esika ozo sala pratique, bayeba ete oko ya te. Soki kozanga na yo wana endimami, oko batela mbongo ya libonza na yo ya programme ya introduction. Kasi soki okomi mukanda ya kosenga kozanga oyo babengi egenmelding, to soki o ye te na mukanda ekomami na munganga oyo elakisi ete ozangaki kelasi likolo ya maladi, to soki bandimelaki yo te bopemi, yeba ete na suka ya sanza libonza na yo eko katama na ndambu oyo ekokani na ba ngonga oyo ozangaki na kelasi. Wana bakobenga yango kozanga kelasi na tina ata moko te ya malonga eyebani to kozanga kelasi ata mukanda moko te e ye ko lakisa tina nango.

Kozanga kelasi mwa mingi mpo na ntina oyo eyebani te ekoki kosala ete mokano na yo ya kozala na programme ya introduction pe kozwa libonza ya programme ya introduction ekweya na mayi libela.

Maladi

Soki o komi mukanda ya kosenga kozanga kelasi, oyo babenga “egenmelding”, to soki oza na mukanda ya munganga, wana ondimami kozanga kelasi na tango ya programme ya introduction, soki maladi to ko zoka epekisi yo kokoma esika esengeli okende. Mukanda wana ya egenmelding okoki komema yango yo moko ekomami ya lokasa (papier), to okoki koloba kaka na munoko na bakonzi ya komine, to na centre ya introduction esika okendaka, to na moto azali kokonza yo na kati ya programme, to na molakisi na yo ya eteyelo ya koyekola munoko, wana okoloba na moko na bango wana ete obeli.

- Ya mbala liboso o tinda mukanda wana ya “egenmelding” ezali soki osi okokisi ba poso 8 na kati ya programme ya introduction. Na ba poso wana 8, soki okoki te kozala na kati ya programme po maladi epekisi yo, wana ekosenga o ya na mukanda ya munganga
- Okoki ko tinda mukanda wana ya “egenmelding” kaka ba mbala 4 na mbula moko, elakisi ntango ya ba sanza 12. Egenmelding wana ezo pesa yo mokano ya kozala na ndaku ti mikolo mi 3.
- Soki obeli mikolo ebele koleka mi 3, esengeli o ya na mukanda ya munganga. Eza ndenge moko soki osi otindaki egenmelding mbala 4 pe ba sanza 12 nanu eleki te.

Soki ozali na mwana moko to bana mibale, okoki kotikala na ndaku na ntango mwana abeli ti mikolo 10 na ntango ya ba sanza 12.

Soki ozali na bana ebele koleka mibale, wana opesami mokano ya kozanga na programme ti mikolo 15 na ntango bana bako bela, nyoso wana na ntango ya ba sanza 12.

Soki ozo bokola bana yo moko, ozali na molongani te, oza na mokano ya kozala na ndako mikolo 20 soki ozali na mwana moko to mibale, pe mikolo 30 soki bana bazali ebele koleka mibale.

Soki ozali na mwana oyo abeli maladi esilaka te (chronique) to soki mwana azali na nzoto kolongono to azali na maladi ya mutu, wana etye yo na risque munene ya kozanga kokota na programme ya introduction mikolo ebele, yango nde opesami mokano ya kozala na ndaku ti mikolo 20 na ntango ya ba sanza 12. Soki ozali kobokola bana yo moko, ozali na molongani te, mikolo ya ko zala na ndaku ebakisami ti mikolo 40.

Soki molongani na yo asali mikolo ebele azali na situation oyo esali ete akoki kosalisa yo te na mosala ya kobokola mwana, na ndakisa ezali soki abeli maladi ya mikolo ebele, to azali nzoto kolongono, to abeli maladi ya mutu, to akangami na lobwako, to eloko mosusu ya ba ndenge wana, mbala moko bako pesa yo ntomo ya moboti azali na molongani te.

Mibeko wana etali pe soki moto abatelaka mwana na yo azali ya ko bela.

Soki ozangi mikolo ebele koleka mi 3, wana komine akoki kosenga yo o ya na mukanda ya munganga oyo elakisi ete mwana azalaki kobela, to moto abatelaka mwana azalaki kobela.

Mokano ya kozanga na programme ya introduction

Kozanga mpo na mikakatano etali zemi

Soki ozali na zemi opesami mokano ya kozanga ko kota na maye matali programme ya introduction pe okozwa libonza na yo ya programme ya introduction, soki kozanga wana etali kokende na ba contrôle ya zemi, soki ba contrôles yango ekoki ko zela te mukolo programme esili. Na ntango nyoso ya zemi, ozali na mokano ya kozanga kokota na maye matali programme ya introduction pe kozwa mbongo na yo ya libonza ya introduction ti mikolo 10.

Kozanga mpo ya komelisa mwana mabele

Soki ozali na mwana ozo melisa ye mabele, ozali na mokano ya kozanga na ngonga moko mikolo nyoso po okende komelisa mwana mabele, mokano wana ezali kaka na mbula ya liboso ya bomoyi ya mwana.

Bopemi oyo epesaka mokano ya libonza te sima ya ko bota to ko adopter mwana

Sima ya kobota, moboti oyo azali na kati ya programme ya introduction apesami mokano ya ko pema po abátela mwana na ye na ntango emati ti na ba sanza 10 na mbula ya liboso ya bomoyi ya mwana.

Komine esika ovandi ekoki kolandela yo pe kopesa yo boyekoli ya munoko, to kosalisa yo o koka komatisa boyebi na yo ya munoko soki ozali kopema na ndaku po ya kobatela mwana sima ya kobota to ko adopter mwana. Lisungi wana ya kommune ekopesama ko banda sima ya ba sanza 4 banda bopemi ebandaki, pe eko bonga na situation ya yo moko.

Soki baboti bango mibale bazali na kati ya programme ya introduction pe ba adopter mwana, wana epesi bango mokano ya kozwa bopemi po ya kobatela mwana na ntango emati ti ba sanza 10, soki mwana yango azali na se ya ba mbula 15.

Ntango baboti mibale bazali na kati ya programme ya introduction, ntango ya bopemi wana ezali ya mikolo 75 po na tata, pe mikolo 75 po na maman. Soki tata akamati mikolo na ye wana te, mokano ya bopemi ekweyi mpo na ye. Kasi mobeko oyo ekoki kozwama te soki tata, po ya maladi to ko zoka, azali na makoki ya kozala na mwana te, soki nzoto na ye ezo senga asalisama na nyoso po azwa mwana, to soki na ntango wana azali kokangama na lobwako to na lopitalo. Nyoso wana esengeli elakisama na mukanda ya munganga.

Bopemi ya ba ndenge mosusu

Okoki ko senga na komine bapesa yo nzela ya ko pema mpo na makambo etali ko batela nzoto na yo, na ndakisa soki o kokende komonana na munganga to na munganga ya mino, to soki o kokende na bosololi ya ko yanula mituna mpo ya musala, to eloko mosusu. Okoki pe ko senga bopemi ya ndenge wana soki mwana na yo akeyi ko banda eteyelo ya yambo to kelasi ya maternelle, to soki ozwi matanga na libota na yo, kaka makambo ya ndenge wana. Soki ozali na posa ya koyeba ebele na maye matali makambo oyo, oko zwa ba sango yango epayi ya moto oyo akonzaka yo na programme.

Soki o ye na mukanda ya munganga oyo elakisi ete yo to mwana na yo azali na maladi oyo ezo wumela mikolo ebele pe ezo sila te, okoki ko senga bopemi na programme ya introduction. Wana okoki kopesama bopemi ya ntango ya mbula mobimba, kasi okozwa libonza te na ntango wana.

Mikolo ya bopemi na oyo batu bakendaka misala te

Na programme ya introduction batu nyoso ba pemaka mikolo ya poso na mikolo ya lomingo.

Mikolo oyo elandi ezali mikolo batu bakendaka musala te awa na mboka Norvège, ezali pe mikolo ya ko pema na baye bazali na kati ya programme: le 1er pe le 17 Mai, mokolo ya Bonane, mokolo ya minei liboso ya Pasika, mokolo mwa Mitano Mosantu, mokolo mwa yambo sima ya Pasika, mokolo mwa yambo sima ya Pentekote, Eyenga ya Mbotama na mokolo molandi yango.

Soki osambelaka na lingomba mosusu, pe na lingomba na yo wana bozali na mikolo ya ko pema oyo ekeseni na mikolo to tangi wana likolo, okopesama mokano ya ko pema na ndaku na tango ya programme ya introduction, pe okozwa libonza na yo ya programme, kasi na mikolo kaka mibale na mbula mobimba, po o koka ko tosa mikolo wana lingomba na yo elobi. Esengeli o loba na komine mikolo 14 liboso ya mokolo okozwa bopemi ya ndenge wana.

Konje

Mbula nyoso ozali na mokano ya kozwa kone ya mikolo 25. Komine nde ekozwa ekateli mpo na ntango nini konje wana ekoki kozwama. Na ntango ya konje okobanda kozwa mbongo na yo ya libonza ya introduction.